


5570

For: GOTTENB
Gottfried obitum
e. Joh. Bieler
et Hancie
1598



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3348 4° (LN 674 4° copy 2)




Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3348 4° (LN 674 4° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3348 4° (LN 674 4° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3348 4° (LN 674 4° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3348 4° (LN 674 4° copy 2)

No 3348.



M. Tischer fecit



LN 674

ex. 2

DE LUCTU MINUENDO EX
currentis seculi perversitate.:

ORATIO BREVIS:

SCRIPTA

IN OBITVM

GENEROSI ET

PRÆCLARÆ SPEI JV-

VENIS, JOHANNIS BIELKE

Illustris & Magnifici Domini TVRONIS

BIELKE, &c. filij: ex corruptissimo hoc

seculo in cœlestem illam Academiam

abiturientis 18. Novemb.

Anni 97.

à

RODOLPHO GOCLENIO, MED. ST.

Autor Momo.

*Rumpantur dentes, rumpantur & Ilia Momo
Felle venenato qui horrida verba limt.*

HAFNIÆ, EX OFFICINA TT-


pographica Henrici Wald-

kirchij. 1598.

EPITAPHIVM GE-
NEROSI JUVENIS,
JOHANNIS BIELKE.

Siccine BIELKORUM grata & generosa propágō
Hinc migras? patrios fines & dulcia rura
Linqvis? ad astra poli & clarissima limina cœli
Longius excurrens? te forsàn amabile fatum
Traxit, & invito haud tibi clàm calcaria subdit.
Sed malè quàm factum? præstans spes concidit; cheu!
Saturni nam frigus iners, & Martis iniqui
Ardor in exortu feriebat Lumina juncta
Infauftis radijs simul ascendentibus: ô quàm
Claras virtutes nimium properantia fata
Eripuere? DEI fruitur nunc vultu animoq;
Hoc tantum tumulo requiescunt molliter ossa.

Lugens & lubens f. Rod. G. jun.



AD DEFVNC-
TI FRATREM SV-
PERSTITEM, NICOLAVM
BIELKE, JUVENEM PRÆCLARÆ

indolis & summæ spei, Rodolphi Go-
clenij jun. adhortatio con-
solatoria.

FRATREM AMISSUM, NICOLAË
carissime, non est dubium quin lugere de-
finas, si modò te hominem esse memineras:
itaq; in cohortando te de luctu abstergendo
non ero multus, ne rem consopitam quasi irri-
tare videar. Tantùm in hoc incumbe, ut, quo-
niam tibi nasci contigit ex ea familia, in qua
semper verus honor, splendorq; virtutis eni-
tuit, nihil humile, nihil obscurum aut inane
cogites, & exorientes quasi fratris tui virtutes
itâ assumes, ut etiam perficias: excelsa petat
animus tuus & illustria, quò te ardor naturalis,
quò DEI & Præceptoris vox, quò pater tuus
omni scientiarum genere excultissimus, quò
majorum tuorum exempla, vocant: da, in-
quam, operam, ut novum in familiam tuam
decus inferatur, plæclaramq; consuetudinem,
quam omnes in te miramur, artium expetenda-
rum, retineas. Maçte egregiæ spei adolescens,
perge in hoc præclaro studiorum cursu, & pa-
tri tuo tam tui amanti, tam libenter omnes suas

A 2

curas

curas & cogitationes in te confumenti, quic-
quid reliquum vitæ est, fac, ut id per te sit ju-
cundissimum: quod ità facile consequeris, si in
ijs artibus, quibus nunc operam das, ità profi-
cias, ut aliquando multis alijs, æquali nunc te-
cum ætate, elegantia sermonis & rerum usu an-
tecellas. Vale diu, sed DEO & Musis. Foræ,

Anno 97. 24. Novemb. calamo otioso
quidem, sed à Musis re-
motiore, &c.



ORA

ORATIO.

Nemo vestrum, Viri Illustres, Magnifici & Reuerendi, Generose Heroïne, nobilissimi iuvenes, castissimæ virgines, & quisquis præterea huc confluxisti, honoris causâ, credo est, qui in dubium vocet, quod à majoribus nostris institutum est, temerè id esse prætermittendum. Fuit enim sapiens antiquitas, & omnia, quæ ad Reipublicæ salutem pertinent, graui sanxit consilio. Vnde ab Imperatore Iustiniano meritò veneranda dicitur: Nam in lege quadam scribitur, retinendus est mos fidelissimæ vetustatis: Et antiquus ille Poëta Ennius, Moribus antiquis res stat Romana virisque. Instituerunt autem veteres inter alia honesta studia, exercitia declamandi & perorandi. Quare non fuit mihi faciundum, ut hoc optimum majorum institutum à me neglectui habitum videretur: sed putavi, me ex hoc loco amplissimo, quamvis nihil dignum præstare possem, de utili argumento, luctu videlicet minuendo ex præsentis seculi malignitate, commodè dicere posse. Causam dicendi præcipuè dedit ex intimis mihi sensibus carissimus, JOHANNES BIELKE, immaturâ prorsus morte præuentus. Quid ais? valdè me percussisti tam graui nuncio? JOHANNES BIELKE, juvenis vernali corpore, majorum suorum stemmate, & propriâ virtute clarus futurus, adolescens fortune & ingenij ornatus bonis, quid inquam, ereptus ille repente nobis est? ô miseram humana vitæ conditionem? quàm omnia infra Lunæ orbem mutabilia? quàm omnia fluere & labi à mane ad vesperam videmus? quàm facile hunc & illum, florentem opibus, florentem ætate, repentina aufert mors? Sed dic, amabo te, mihi, juvenis præclaræ spei ac indolis occidit? animusne eum reliquit? vitam ante tempus amisit? ô acerbum, ô crudele fatum? ô iniquam mortem, quæ florem maximarum virtutum nobis abstulit? jam enim exorientis virtutis & industrie fructus ostentantem, quis tam iniquè & inhumane extinctum non ferat iniquissimè? Verum humana, quæ sunt humaniter, sunt ferenda: neq; dubito quin luctum luctu abstergamus, si præsentis nostri seculi peruersitatem consideraverimus: immò gratulari potius debemus optimâ præditiis mente, ex huius mundi teterrima caligine, ad cælestium beatissimas animarum sedes commigrantibus. De hoc igitur mundani status genere breuiter mihi differenti velim aquo &

modesto adfuit animo : siquidem nullius neq^{ue} famam neq^{ue} existimationem oratio mea attinget. Principio certum est , nihil in hoc mundo magnum esse , nisi animum magna despicientem , quemadmodum sapientissimè dicitur à Philosophis : adeo autem mutabilis est hominum status in hoc mundo , ut vel sapientissimi quique , quod sibi bonum sit , eligere , quod contra malum sit , effugere nesciant : & si cogitemus , unde simus , quid simus , quâ de causâ simus , reperiemus utique , quod principium nostri est oblivio , medium labor , finis autem dolor & manifestus error. Quod Neotidas Philosophus aliquandò rogatus , consilium quod quis capere posset , quale nam esset omnium optimum , confirmare etiam visus est : illud enim id esse respondit , quod quis , suo proprio contempto caperet ab alio : cuius responsionis hanc afferebat causam , quod humana nature depravatio sit tanta , ut unusquisque , semetipsum querat inprimis , cum tamen sese reperire non possit , quod auxilio boni in alieno delitescens , destituatur : unde ipsam vitam nos decipere , persecutionibus vexare , redarguere , & meris tandem molestiis nos sepeliri , quis est qui inficias ibit ? Idipsum luculentius multò Plato sensisse videtur , qui die quodam rogatus , ubinam omnium maximam frugalitatem & vitæ tranquillitatem deprehenderet ? nullus est , inquit , in mundo status , qui mutatione careat : nullus honor , qui periculum adiunctum non habeat : nulla divitiæ , quæ , ut labores molestiæque majores non suscipiantur , efficiant : nulla prosperitas , quæ non finiatur tandem : nulla delicie , quæ non deficient : ô divini Philosophi præclaram sententiam ? hæc nimirum docere voluit , quod nos , quamdiu sumus mundo addicti , desideremus omnia , probemus omnia , procuremus omnia : sed omnibus benè visis & degustatis , nos omnes omnium causa coquamus & maceremus. Maxima autem insatiabilis desiderij nostri pars oritur inde , quod nostrum multum parum , & alienum parum nobis in contrariam partem videatur esse multum : nostram enim felicitatem molestiam , alterius verò infortunium requietem nuncupamus. O mille erroribus implicatam vitam , & infinitis propterea à periculis expositam ? In mari navigare , periculosum est , in terra verò ambulare , tediosum : ad ipsam verò vitam , si quis oculos convertat , is uno & eodem momento sano corpore præditos in morbos incidere , & ex his alios vitæ privari , alios lethali angore liberari , alios denique diu languere & conflictari comperiet : dum hic est fortunatior , ille miserior evadit : dum ille per favorem excipitur ,

5510.
tur, hic excluditur. Quare ridendi sunt potius quàm refutandi, qui di-
vitiis in hac vita, qui fortunam, qui honores præponunt, caduca enim
hec omnia sunt & incerta, & non tam in nostris consilijs, quam fortu-
ne temeritate posita, quemadmodum hoc testatur doctissimus Lactan-
tius, lib. 7. cap. 27. Bona ista fallacia migrant quotidie, & multò
velocius exeunt, quàm intraverant, & tamen si liceat nobis ad ultimum
usq; illis frui, alijs certè sunt relinquenda. Quam sententiam & Augu-
stinus confirmat super Psal. 59. Miror mortales jactare de ijs rebus, à
quibus plerumq; aut vivi deferuntur, aut mortui. Item, Basilius Psal. 62.
verissimè dixit: Fluit opulentia, & torrentis instar præterlabitur, sub-
indeq; Dominum mutat: honor verò vel simulacrum est, vel non diutur-
nus, ut ostendunt exempla magnorum virorum, qui ex altissimo digni-
tatis gradu in acerbissimas calamitates deiciuntur. Et doctissimum ex-
tat Poëma Empedoclis Physici, in quo leguntur hi versiculi:

Iungit amor quandoq; elementa & semina rerum,
Dissiliunt odijs eadem certantia rursus:
Sic res gignit amor, sed non durabile quicquam
Nascitur, inq; vices mutantur cuncta subinde.

Item, Jacobi Mycilli elegans Epigramma de casu mundi:

Scilicet ex omni mundus jam parte senescit,
Intereunt homines, regna polusq; ruunt.
Rarefcit virtus, verus jacet ardor honesti,
Corrumpit mores ipsa senectæ bonos.
Cessavit pietas, rectum cessavit & æquum,
Et stat in extremo jam ruitura fides.
Quin etiam tellus victum lassata recusat,
Raraq; de multis spica refertur agris.
Et sua confectæ claudunt jam brachia vites,
Et minus à prælis musta frequenter eunt.
Vndiq; deficimus, quid nunc nisi tempora restant,
Quæ videant flammis cuncta perire suis?

Multi & nostræ ætatis Theologi, Philosophi, Iurisconsulti &
Medici, hoc unico vitio, quod reliquorum omnium fons est & origo, quo
singuli sibîipsis placent vimum, fascinati, multarum nozarum in hoc
mundo

mundo causa sunt. Theologus de vita sanctimonia narrat, & dono castitatis, ago tibi gratias, mi Domine, quod non sum sicut ceteri homines: Philosophus de iudicio rationis & rerum inveniendarum felicitate jactat: Medicus de temperantia & quam felix sit in curandis agris: Iuriconsultus denique de jure & equo, quod omnibus prestare pollicetur, differit. Sed hi naribus admoveant ad corrigendum cerebrum, idque ad symmetriam revocandum divini Platonis diambra, proxima quaeque loca sua vi & efficaci odore complementem, ejusque descriptio, lib. 5. de legibus proponitur talis: Omnium, inquit, malorum summum nobiscum nascitur, quod videlicet unusquisque sibi amicus est naturae, suisque opinionibus delectatur: ex quo fit, ut non recte judicare possit ea, quae bona sunt & praeciosa, cum anteceptis opinionibus & amore nimio suipsius impediatur: neque enim magni viri est se suam immodice amare, sed acquiescere in iuste factis, sive propriis, sive alienis: nam hoc errore obsessi putant se multum sapere, cum tamen nihil vel parum intelligant, cumque omnium rerum scientiam sibi arrogent, nolunt artificibus credere, atque hoc modo turpiter hallucinantur. Haecenus Plato. Unde conspiciendum est ambitione nihil esse pejus, quae divina & humana simul confundit, quae florentissimis regnis & civitatibus fuit exitio, quae sola cum templa & scholas irruerit, plurimum nocet, seuam exercens tyrannidem: sed quam tristis his impendet & calamitosus exitus? annon Hippolytus Thesei filius praestans adolescens, ut in fabulis legitur, à Neptuno interficitur, ob nimiam propriae virtutis fiduciam & numinis contemtum? Cum enim castitatis dono divinitus esset ornatus, ad superbiam & fastum eo est abusus, quare punitur divinitus: talibusque exemplis nostra secula abundant, & possem nominare nonnullos, quos, ne palpare videar, omitto. Quando verò modestius Scipio Hannibali in sua oratione dicenti, maxime cuique fortunae non credendum, responderet, ad me quod attinet, & humanae infirmitatis memini, vim fortunae reputo, & omnia quaecumque agimus subiecta esse mille casibus scio. Sed huius generis anfractus missos faciens ad propositum me converto. Quid enim opus est verbis? attende parum, & exigui temporis auscultationem mihi non denegato: expediam me paucis. Est revera hoc nostrum seculum omni flagitiorum nostrarumque genere refertissimum: libido, luxus, livor, ira, invidia, avaritia, malignitas & crudelitas, ubique tenent primas: quid queris? Stupra, raptus & fornicationes ludi sunt, & matres nonnun-

nonnunquam filiorum sunt lenae: probus quisq; opprimitur, pessimus
 quisq; provehitur, simplices irridentur, iusti vexantur, audaces & im-
 pudentes eriguntur. Vis plura? quicquid uspiam est vel fuit teterri-
 marum beluarum perversitatis, id omne in praesens seculum tanquam in
 unum corpus confluisse videtur: longè enim lateq; serpit ferocitas Leo-
 nis, sevitia tigridis, truculentia ursi, temeritas apri, superbia equi, ra-
 pacitas lupi, fraudulentia vulpeculae, & versutia Chamaleontis: in
 vita verò quae mundi quasi exemplar est, timiditatem leporis, petulan-
 tiam hirci, mordacitatem canis, immunditiam Suis, desperationem Ele-
 phantis, vindictam Cameli, stoliditatem asini & scurrilitatem simia
 manibus fere deprehendimus: omitto furentes Centauros, triformesq;
 Chimeras, insipientes satyros, voraces gryphos, rapaces dracones,
 perniciosissimos Basiliscos, & quicquid portentorum monstrorumq; eius-
 modi uspiam existit. Virtutes patiuntur carnifices atq; tyrannos: ar-
 tes humaniores cum Domina sua Philosophia, quae ut Hesperus aut Lu-
 cifer inter sydera, sic ipsa in mundo & actionibus nostris prae-
 ulcet, nec locum habent, ubi consistant: o temporis iniquitatem? vir-
 tuti & artibus liberalibus deestne ornamentum? neq; jus jam valet,
 neq; autoritas? cultus divinus & iura divina tolluntur, quibus sublatis
 locum retinere diutius nec honestas nec pietas potuit? periit fides &
 omnis inopia sublevandae consuetudo? Sed quid juvat multis acclama-
 re? nunquam tamen vel periandros quosdam, vel Cletaries, Constan-
 tinos Imperatores, Neronas, Euandros, Heraclitos vel Nicomedes, qui
 furore immanissimo accensi parentes vitam priuauerunt: nunquam Me-
 deas, Alibias, Deuterias vel Pontias Romanas, aliasq; liberorum suorum
 interfecitricas: nunquam Clytemnestras quasdam aliena libidine incen-
 sas, virosq; trucidantes: nunquam Siculos Gnatones, Sardanapalos,
 Vitellios, Galbas, Demetrios, Archefilaos, gulae procures strenuissimos,
 quibus Deus est venter: nunquam Canippos Syracusanos potu largiore
 victos stupraq; filias contaminantes: nunquam Lucianos, Leones Impe-
 ratores, Decios, Valerianos, Diocletianos, Neronas, Aetios, Ammo-
 nios, Apollinares, Arrios, Eudoxos, Menandros, Nestorios, vel Eu-
 tychetes, qui omnes in Christianam fidem, honesta studia, patriam &
 parentes immanissima rabie sevierunt: nunquam Alexandros Phereos
 quosdam, quorum in Thessalia tanta fuit crudelitas & Tyrannis, ut
 homines in pelles urforum & aprorum insuerent ad illos dilacerandos:

B

nun-

nunquam Dionysium Tyrannum, quem post plebem oppressam tanta
timiditas invaserat, ut cultros timens tonsorios carbone candente capil-
los sibi adureret: uec ipsos denique Turcas, vel ex his quosdam, neque
pro gloria & patria, ut Pyrrhus, neque pro Imperio, ut Alexander, di-
micantes, oratione hac mea meliores reddo unquam: ita enim desi-
piunt, ita ipsi se ignorant, ut in sinu quasi sibi gratulentur: interim ta-
men non vident, dum se tot laboribus macerant, dum quasi labyrintho
infernali sese implicant, quem connodant tigrides, basilisci & infernales
furie, dum se ita ab humano commercio reddunt alienos, se mortem in-
gratam habituros & diram. O tempora? ô mores? Sed quid, queso,
mi optime lector, putas esse, quod me de nostro seculo aperire liberè de-
ceat? si de bonitate & veritate vellem id commendare, essem apertius
mendax: si de prosperitate & sanitate vellem, reclamant pestifera &
gallice inquisitiones, quae aded sunt familiares, ut etiam pro commu-
nibus febribus habeantur: si de sobrietate vellem & continentia, obstat
Bacchus, qui mortalium hodierno seculo Deus est: si de castimonia fe-
minarum vellem, video in mundo adulterio nihil existere frequentius:
si de hominibus denique vellem suo contentis, non possem utique, cum non
solum aurum & argentum in fodinis investigent, verum etiam ipsius
querendi causâ ad ipsos Indos & Garamantas usque excurrant: pro-
fecto ut ab arbore planè exiccata, & vinea planè congelata, à fructu
planè immaturo, sic & ab hoc seculo tam suspicioso & maligno quid
queso aliud præter malum expectare possumus: seculum enim quod nunc
est in pomarijs suis nihil præter spinas, in arboribus nihil præter folia,
in vineis nihil præter labruscas, in thesauris verò suis præter alchymica
quædam nihil habet amplius. Thesaurarii verò hujus seculi sunt pana-
cæe conflatores & Chymiste, qui ex sulphure & hydrargyro percoctis &
contemperatis aurum constari posse contendunt, cum tamen id nullis
ignibus, nulloque artificio, cujus rei locupletissimum habemus testem
ipsum sensum & experientiam, assequantur. Sed quid tandem pro la-
boris præmio reportant? inauratum patibulum, in quo corporis sui gra-
vitatem strangulato collo metiuntur: sic enim transit gloria mundi:
sic mundus vult decipi, quando novis inventionibus, novis ludis, novisque
fallendi obtrechandisque modis delectatur & capitur. En igitur quàm
triste sit nostrum seculum, quàm calamitosus vite nostrae status: certè
non minus ille periculosus putari debet, quàm via quædam lapidibus ad
cesspi-

cesspitandum referta, quàm volutabrum ad polluendum, quàm glacies
 ad cadendum, quàm aviaria ad aberrandum: en inquam vitam que
 tot ad expediendum habet negotia, ut difficulter admodum quò vult
 aliquis, eò visu peringat, tantùm abest, ut, quò cogitationibus cupit, eò
 perveniat. Cum igitur nostri seculi tanta sit perversitas & iniquitas,
 quis vitam sibi diutius prolongari desideret, & in tantis fluctibus natare
 exoptet, cum propter incertas spes aut metus sæpè labamur. Herodes
 metuens regno pueros jubebat interfici: sic multi metuentes crescentem
 potentiam alterius obijciunt impedimenta, & quoquo modo ejus vires
 carpunt: ubi teneatur præceptum Philosophi, ut in præsentia rectè fa-
 ciamus, nec propter futuras spes aut metus à regula discedamus. O
 quàm sapienter hoc à Philosopho dictum est: ô vero beatos & felices,
 qui sic vitam instituunt, ut neq; propter futuras spes, neq; propter metus
 ab honestatis & veritatis regula aberrantes desperabundi tandem vi-
 tam cum morte commutare cogantur. Nostri temporibus si qui sunt,
 qui prudentia, magnanimitate, rerumq; gerendarum sagacitate reli-
 quis eminent & excellunt, illi viventes tamen audiunt pessimè, publicis
 insidijs & calamitatibus anguntur, nec ab odio aut maledicentia sunt
 immunes, vel in medio ætatis cursu, vel in ipso flore juventutis iniquissi-
 mo fato abripiuntur: exempla ubiq; suppetunt: sed contentissimus hoc
 uno, quod non ità pridem, nescio quo fato, in ipsa vernali & florente
 ætate extinctus est JOHANNES BIELKE, juvenis maxi-
 marum virtutum que in ipso ceu Luna constituta in horoscopo, eluce-
 bant, illustri familia natus, Magnifico patre, Heroïna matre. Quid?
 non longius evagari & animo peregrinari opus est: persequere majo-
 res cogitando que fuerit eorum in pace justitia, in bello virtus: si atten-
 des, nihil ad gloriam domesticam requires: si ad defuncti familiam &
 domum animum referas & mentem, eminere videbis patrem Turonem
 Bielke omnium doctrinarum peregrinarumq; linguarum genere (absit
 livor, absit gratie captatio cum arrogantia) instructissimum, magni
 animi, summi consilij virum, consiliorum Serenissimi Regis Sigismun-
 di, unà cum fratribus duobus Hogenschildio & Nicolao Bielke, viris
 omni seculorum memoriam celebrandis, & participem & adiutorem,
 ejus nomen nullo silentio damnatum apud omnem posteritatem prædi-
 cabitur. Quid multa? Cum Bielkorum familia oriuntur virtutes,
 crescunt & propagantur: Bielkorum igitur nomen nulla unquam ætas

Turo
 Bielke.

Suantho
Stüre.
Steno.
Stüre.

conticescet, nulla delebit oblivio. Matris familiam si spectes, an non Stürorum religio & rei militaris scientia omnium approbatione spectata & probata vehementer est? Quis Suanthone Stüre, comite in Stekeholm & Vestervyk, regniq; consiliario & Marischalcho, in consilijs dantis & accipiendis fuit clarior & humanior? Quis Stenone Stüre, regni Suecie prorege, equitate & virtute bellica, quâ sua aetate parem forsitan aliquem, superiorem verò habuit neminem, prestantior & celebrior? fortiter enim pro patria dimicans, Sueciâ bello oppressâ, globulo cæco, nescio quo importuno fato, percussus occubuit, quo lapsu, parum absuisset, ut regnum Suecie libertate perditâ corruisset: & tantum roboris fuit in uno viro situm: possem & alios hujus præclare gentis invenire, quos tamen omitto, contentus ijs, qui propius ad aetatem nostram accedunt: hoc tantum pro decreto addo, quod Stürorum & Biellkorum nomine, in multis multorum vocibus partes dissipato, non Suecia tantum, sed & finitimæ provincie personant. Cum igitur omnium virtutum exempla appareant in tota familia, cur insignia virtutis in defuncto quoq; nostro non eminerent? Sed perijt, prob dolor, qui familiam suam, qui patriam ornare vehementer poterat & laudibus illustrare: hoc enim expectandum ab ejus virtute fuit: perijt inquam: jure commovemur: agrè enim divellimur à naturâ conjunctis: merori ignosci potest, nec tamen si modum excedat laudandus est: dolere enim filij interitum patris vel matris est, modum autem & finem dolori non constituere, hominis non est: erepto ante maturitatem fructu, quando hoc singulare non est, sed commune cum multis, modicè feramus: audiamus sententiam Basilij in concione de Eucharistia: querat, inquit, aliquis, cur CHRISTVS resuscitaturus Lazarum lacrymas tenere non potuerit, cum quidem res ipsa deplorationem non adeo postulârit? Sed manifestum est, quod omni ex parte volens opem ferre nostræ imbecillitati, modum quendam & terminum affectibus naturalibus constituerit: nam indolentiam tanquàm immanem & à naturâ hominis aberrantem vitavit, & nimiam animi molliciem, quæ lacrymis & lamentationibus nequit expleri, fugit & reformidavit. Quare cum amici mortem lacrymis prosequeretur, societatem naturæ humane ostendit, & nos ab excessu in utramq; partem revocavit, ut neq; frangamur ac debilemur affectibus, nec sine sensu doloris vivamus. Item, August. tract. 60. in Iohan. Pereant, inquit, omnia Stoicorum argumenta, qui-

quibus in sapientem cadere perturbationes animorum negant, habeant
 eas justas de causis Christiani, nec Stoicorum consentiant errori. Et
 Cic. in 3. Tuscul. Minimè assentior his qui istam nescio quam indolentiam magnoperè laudant, quàm nec potest esse ulla nec debet. Quare
 ità dolendum est, ut tamen doloris finis sit aliquis: illo enim excedente,
 nec remittente, contabescere multos videmus & prorsus incrinè, quia
 cor, affectuum sedes, torrefit, spiritus redduntur debiliores, & langue-
 scunt totius animati vires, humidum radicale absimitur, quo depasto,
 perit omnis calor, & tandem vita, quæ in calido & humido attempe-
 rato consistit. Cause enim extinctionis natiui caloris sunt secundum Ari-
 stotelem & Medicos, motus cordis & affectus immoderati, ut dolor,
 tristitia, curæ mordaces & edaces, metus, ira, calorem vivificum de-
 repente sæpius extinguentes non secus ut aqua ignem: & multos sic ex-
 pirasse historicorum autoritas contestatur. Quid? an non Eli summus
 sacerdos & iudex mœrore repente concidit, certior factus de filiis una
 cum 30000. Israelitis à Philisthijs interemptis? Diodorus Cronus,
 logicus insignis, an non mœrore absumptus fuit, cum Stilphonis Sophisti-
 cam quæstiunculam ex tempore solvere non posset? Plinius lib. 7.
 cap. 53. Sic & Homerus dolorifico cordis affectu absorptus dicitur,
 cum piscatoribus hoc enigma proponentibus, Quæcunq; cepimus relin-
 quimus, & quæcunq; non cepimus habemus, explicare nesciret? intel-
 lexerunt autem pediculos, quos captos reliquerunt, non verò depre-
 hensos retinuerunt. Eodem mortis genere obiit, ut testatur Guido Li-
 via Drusilla de mariti sui cesaris Augusti morte certior facta: Et Iulia
 uxor Pompei magni, aspiciens vestes quas Pompeius in comitijs adili-
 tijs sanguine pollutas domum miserat: forti enim imaginatione ducta
 maritum vel lethaliter vulneratum vel vitam miserè perdidisse, ex
 abrupto decidens animam emisit. Quid? quod ex contrario etiam
 sensu multos periisse historicorum libri affirmant. Plutarchus in vita
 Hannibalis & Valer. Max. lib. 9. cap. 12. mentionem faciunt de ma-
 tribus binis Romanis ex immodico gaudio repente mortuis, visis filiis,
 quos prius ad lacum Thrasimenum ab hostibus interfectos perhibebant:
 inustatus sanè casus, quas dolor extinguere non potuit, letitia consump-
 sit. Eodem prorsus genere mortis occidisse Philippidem Comicum, So-
 phoclem Tragicum & Cratinum Poëtam, ob triumphum quem ex Co-
 mædijs & Tragædijs gravissimè actis reportârunt præ multis alijs,

testes sunt Gellius lib. 3. cap. 15. Plinius lib. 7. cap. 53. Valerius
 Max. & alij, Quæ cum ita sese habeant, unica tamen, ut opinor, con-
 solatio superest, quam & parentibus & amicis in luctu demortui ab-
 stergendo scio fore gratissimam, quod ex miserrimo hoc & corruptissimo
 seculo pia in DEVM affectione & mente in celum evolârit: qui enim
 sic discessit cur eum lugendum putemus? quam sententiam insigniter
 confirmat Socraticus ille Philosophus Antisthenes, qui interrogatus,
 quidnam apud homines putaret beatissimum, respondit, felicem mori.
 Et Cic. 4. Tusc. Mori nemo sapiens miserum duxit. Item Seneca in
 lib. de brevitate vit. quid novi est hominem mori, cum tota nostra vita
 iter ad mortem sit: cui sententiæ non incommodè annectitur Plautinum
 illud, quem Dii diligunt, adolescens moritur: an igitur mori quasi tur-
 pe aliquid reprehendemus? quod si non turpe, nec dolendum, nisi quis
 ita vixerit, ut nihil unquam homine dignum præstiterit: quod tamen à
 nostro piè defuncto absit longissimè: virtutem enim & studia amavit
 mirificè, & me præceptorem sæpè, quod in juvenibus rarum est, officij
 admonebat mei: parentes coluit intimis sensibus, eosq; à se offensos,
 quacumq; ratione si non reconciliare extemplo poterat, dolebat acerbissi-
 mè: erga præceptores humanitatis exemplum, ita ostendit, ut nihil in eo
 desiderari amplius posset: cum fratre & sorore erat coniunctio animo-
 rum arctissima, conveniebant sensus, congruebat voluntas: animo erat
 simplici & puro, nullâ simulationis aut malevolentis arte suffuso & ob-
 ducto. Neq; verò aliter se gessit in extremo vitæ die, quo, acerbissimo,
 quamvis & acutissimo correptus morbo, tacitè tamen & ex intimis er-
 ga DEVM sensibus aliquoties secum ipse exclamans, Sic DEVS di-
 lexit mundam, ut filium suum unigenitum daret, &c. matertera post-
 modum interroganti, num vitæ & lucis huius usurâ diutius frui gaude-
 ret, imperterrito animo respondit, sibi in votis esse nihil amplius, quàm
 beatissimos DEI beatarumq; mentium sermones regustare: mente de-
 niq; ad DEVM erectâ tanta cum constantia expiravit, ut omnes
 astantes non in admirationem tantum traheret, sed exemplo etiam
 commoveret. Salve decus cæli, amor & delicia beatarum mentium:
 gratulamur tibi, quod ad eam urbem commigraveris, quæ sola in vir-
 tute Domini morientes excipit, exceptos laudibus ornat sempiternis:
 nos, inquam, quibus exorientes tuas virtutes ostenderas, læti tua digni-
 tate cælesti, mæsti discessu, te prosequimur abiturientem, favemus
 animis,

animis, precamur linguis: I decus cœli, & jucundissimo illo conspectu
DEI fructu, donec & nos vita perfundi, educti ex hac rerum teterri-
marum caligine, & in illa sempiterna luce collocati,
tecum omnibus bonis circumfluente,
conjugamur.

D I X I.



HAFNIÆ,
EX OFFICINA TY-
POGRAPHICA HEN-
rici Waldkirchij.

M. D. XCVIII.

THE HISTORY OF THE
CITY OF LONDON
FROM THE FOUNDATION
TO THE PRESENT TIME

BY
J. STOW

THE SECOND EDITION
REVISED AND CORRECTED

BY
J. STOW

AND
J. STOW

THE HISTORY OF THE
CITY OF LONDON

FROM THE FOUNDATION
TO THE PRESENT TIME

BY
J. STOW

AND
J. STOW

THE HISTORY OF THE
CITY OF LONDON

